


0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

deli 得力集团有限公司
No. 6230
02260122号



162271









偶然草詩集 卷五

五湖周謙吉梅鄰



五言絕

送林覺侯再之溫州幕府

與君方聚首何事復東甌將軍惜士卒戰艦息安流

二

天涯皆作客况是亂離秋際此不勝苦何堪別樣愁

三

片帆猶未發。離思已悠悠。早訂歸來計。聊寬此際憂。

四

君今歸幕府。寂寞苦何支。惟願軍書側。常吟老杜詩。

梅影

梅花枝上月。梅瘦月來肥。形影相憐惜。清幽誰得知。

題觀音大士像

大士阿誰名。目聰耳必明。衆生如可度。何色又何。

聲

〇〇 晤陳元孝卽別賦贈

人〇 何必曾相識相逢情倍親始知天下士原是意中人

二

相見在今日相思由昔年相逢卽相別無那別離

緣

三

多〇 握別難言別飄歌何忍歌吞聲一字去魂夢兩家

四

先生○意○氣○深○談○笑○空○古○今○他○日○還○相○憶○關○山○共○此○心○

洞庭秋水

東○盈○盈○洞○庭○水○夜○夜○洞○庭○風○片○帆○何○日○發○歸○思○滿○江○

古意

如○寧○飲○建○業○水○不○食○武○昌○魚○武○昌○魚○未○得○建○業○水○何○

重遊安阜園

花似當年放水還。曲檻流如何。遊子意觸處轉生
愁。

花間試馬

驕。羞伏櫪。故故踏花行。伯樂千秋上。長嘶空自
鳴。

連然泉

萬古溫泉潔。氤氳直到今。可憐一泓水。不洗世人
心。

二

今古人如織。昏明洗不停。香溫真可愛。無乃憊山

靈

三

光。天。地。珠。璣。洩。何。如。混。沌。藏。不。因。蘇。子。鑿。萬。古。保。靈。

四

希。泉。迴。能。冰。潔。出。川。無。是。非。馨。香。多。暖。氣。怎。得。世。知。

○九日

多。百。歲。重。陽。日。今。朝。大。半。過。那。堪。故。園。菊。開。向。異。鄉。

○ 贈關嶺老僧

雲起山腰下。僧高托昊旻。一從天上立。小視世間人。

○ 蕩山

我怪龍王水噴來。只蕩山人心多垢穢。吸盡六龍
刪

雪

草木不知愁。蕭蕭盡白頭。乾坤成一片。何日看漸
流。

落花

花○開○春○風○催○花○落○春○風○逼○開○落○花○無○心○春○風○殊○費○力○

二

花○開○美○人○姸○花○落○美○人○悲○自○開○還○自○落○美○人○意○何○為○

三

花○開○何○必○落○花○落○何○必○開○幾○度○花○開○落○旅○思○傷○徬○徊○

中秋

中○秋○何○必○月○月○豈○獨○中○秋○何○處○笙○歌○亂○增○予○故○國○

愁

南柯蟻

是人忽為蟻是蟻忽為人似醒還似夢誰真誰不真

除夕

四海同除夕車書天下通遊人歸未得萬里白頭翁

老松

老松如虬龍鱗甲孰敢格擎雲入九霄風雨為辟易

亦有青青姿。而無柔媚色。少無徙倚情。老更見孤直。

三

蒼蒼者其色。直直者其力。君不知歲寒。歲寒人自識。

四

骨節何孤高。千載如一日。世上鮮其儔。柏也是其匹。

崖梅

崖上梅花樹。欲摘無去路。開落只自知。明月還相
妬。

始皇

避秦有桃源。桑麻多雞犬。予曾過其地。入山亦甚
淺。

二

四皓雖入山。莫非始皇土。誰謂秦法嚴。竟免征徭
苦。

三

椎秦博浪沙。大索只十日。假使索不休。子房何處

匿

有既

世多貧賤人往往自稱士王前觸一言千古孰如
此

連然泉

蓮輿日日來軒車夜夜息勞民莫怨嗟山川實奇
色

二

香泉流不休遊人常信宿天地惡風塵山靈招洗
沐

春閨

春風細細來桃花亂欲開
天天毋滿放馥馥待郎
回

二

離離花正好遲遲花氣微
我郎原有約花暖定須
歸

三

花天下有卿卿世上無
念卿卿惜我毋乃在中
塗

四

花開開復落春光無幾時東風送消息想到異鄉
遲

五

花須初發枝人在少年時花發郎不歸人少郎却
知

六

望郎郎不至夢郎郎即來不須書札寄今宵郎自
回

七

燕燕雙雙下鴛鴦對對飛我郎歸未得我欲寄春

衣

八

粉蝶舞成行。相屬不相去。我懷人一方。停針無復

語

九

鸚鵡惱人耳。鴛鴦亂人目。終日不成粧。何處施膏

沐

十

思君奴不寐。君思奴也無。不歸莫相憶。相憶成病

夫

鄭州道上雨雪有慨

泥深驢力單。况復雨雪惡。風透薄衣裳。點點心頭落。

竹

直節上干霄。霜根盤結牢。心虛色自靄。風雨不爲撓。

偶成

蝴蝶夢中忙。莊子猶多事。心若大死時。何醒亦何寐。

采石弔太白

太白曾捉月何嘗捉得去
夜夜見月來太白在何處

瓶中花

無根又無葉爛熳向誰誇
空倚東風笑能開幾日花

庭梅

亦在富貴家何爲獨寂寞
空庭一片香自開還自落

古意

黃鶯不解愁偏向花間語
語語語語愁人我郎在何

處

二

我郎在何處想無鶯聲度多情願奮飛飛向郎前

語

三

飛向郎前語郎須速歸去盼郎郎不歸少婦淚如

雨

四

少婦淚如雨屬鶯鶯不去鶯本本地禽知郎在何

處

懷友

春花幾似梅秋葩幾如菊我懷古處士幽香結幽
屋

荷花

亦在汙泥中汙汚不能染茂叔自風流千秋學所
願



偶然草詩集 卷五

五湖周謙吉梅鄰

七言絕

梅

亭亭瘦骨一枝梅
氣欲摧寒寒避開
豈是春來梅意足
須知梅放帶春回

二

白堪敵雪雪輸香
沍雪嚴寒未敢傷
不是冰心兼鐵骨
何能破臘報春光

三

百花寒盛盡摧傷君獨含英欲吐芳
徹骨寒儒偏愛煞羨君領袖百花香

贈張集庭

天資學力兩堪誇隨意揮毫筆有花
詩比少陵稱百世銀鈎幾識大王家

竹

青青幽致興偏高節自凌霄根自牢
我亦素心空一世雪霜風雨結同袍

西施

當日吳王宮裏人千秋盡說越功臣
西施歌舞真

堪愛傾國傾城不有身

二

夫差死去西施在國破身亡豈恨伊假使當時同一劍腐儒千載贊西施

三

吳王不捨西施死畱得紅顏付阿誰偏是西施能割愛英雄原不在男兒

四

美人情重身甘死死後美人別有家終始君恩還記取五湖應亦感夫差

五

闔閭城下吳亡日多少嬌娃墮粉樓吳王畱得西
施意欲報當年范蠡仇

六

鳳輦龍樓承上寵烟波漁艇亦西施寄語大夫須
愛惜不同當日浣紗時

元旦

兒童漫喜此朝新遊子還傷隔歲神天地常新吾
漸老青春不讓白頭人

春日閨思

香閨寂寂一庭梅。笑倚東風着意開。欲向花前憐
共語。無邊春思上心來。

二

一枝香艷倚欄干。賣弄丰姿索笑歡。低首柔腸千
萬轉。忍將春色一人看。

三

春城春色逐人來。不見裁雲作賦才。春正晴明花
正好。翻教心地冷如灰。

四

園亭依舊去年花。萬里征人未憶家。春風不散陽

和恨故向枝頭鬪麗華

五

月滿清溪花滿欄如何情思却無端
月移花影天邊有多恐遊人不忍看

六

綠滿池塘柳滿絲遲遲春日惹相思
離人忘却春光好欲向天邊寄一枝

七

三月春光到處同遊人應亦在寰中
如何不惜春將去只在天涯怨落紅

八

停針無語倦昏昏
睡去尋郎訴別因
正喜邀郎剛
一面無端鶯轉柳條新

九

百歲憐春能幾歲
春光九十不多時
試看海棠春意足
春風偏愛少年枝

十

鄰家士女共憐春
獨我當春轉恨人
不是恨郎爲
薄倖恨儂薄命未逢辰

十一

羞對桃花映病容
幾回推枕幾回慵
多情不被他鄉悞
爲甚多情却悞儂

十二

子規啼罷客天涯
想我征人意轉迷
只是不歸歸便得
太平天下任驅馳

十三

花開花謝盡春光
盡日傷春春恨長
春去倘然遊子返
明年還可看花芳

客月

他鄉明月正中天
鄉思茫茫有萬千
去國已將三

月路分明月色一般圓

二

氣爽風高天欲秋今年頻見月當頭不因作客身
孤寂那得閒情伴月愁

閨月

夜靜寒生露滿苔深閨寂寂獨徘徊春風不遣閒
愁去無那溶溶月色來

二

閨院花陰月正團憑欄無語思無端天涯應亦無
眠緒萬里同將好月看

清明哭弟

清明杯酒醉孤棺，淚入金波滴不乾。
就使有情仍入世，難將面目弟兄看。

二

撫棺一慟欲如泉，如此傷心生枉然。
孝友少年偏夭折，高高不應九重天。

秋海棠

不同百卉關春華，秋意蕭蕭君始花。
羞與西施爭粉黛，却憐處士到貧家。

二

天然顏色不輕佻。一種清香別有嬌。高士悲秋還
愛惜。美人相對失妖嬈。

○代婦

傳聞遊子客南滇。盡道南中瘴癘偏。縱使家園全
不惜。也應珍重此餘年。

○春日感嘆

豪華公子競遊春。輿馬衣冠簇簇新。君看郊外多
青塚。不盡當年落莫人。

和范鴻治初秋遊楊林海子

輕烟疎柳解扁舟。共得同人汎碧流。鋪滿菱荷湖

一色菰蒲蓮粉報新秋

二

秋水長空最可憐
微波蕩漾釣魚船
客情全散烟波外
一抹晴湖水底天

寄懷許大觀察無功

夢裏逢君君亦知
君常夢裏說相思
醒來顏色如猶在
恍惚相親不忍離

二

每向人前笑口開
對君翻欲淚成哀
慚非倒屣中郎客
觀察如何識我來

點蒼石

片石花開山滿春花邊有路不迷津如何尋到桃
源口只見山川不見人

丁珊月訂石詩次韻

蓬萊頂

君家心上有蓬萊仙骨從來太白才片石烟霞成
絕頂何須跨鶴到瑤臺

臥龍岡

拳石何能可臥龍緣知神物不凡庸茅廬三顧無
先主諸葛千秋一老農

過雞足山暫憩大覺寺

忙忙藍輦度雞山。暫憩叢林頓覺閒。
勞客祇知清淨好。何煩絮絮說禪關。

花間試馬

驍騰何不向雲中。天矯花階欲趁風。
豈愛人間春富貴。故求駕馭識英雄。

連然泉

謾道山川有熱腸。一泓石窟注溫湯。
珠璣湧出豪華賞。不與貧民換稻梁。

蒼山古柏

桓桓龍虎敵風霜塞外竒觀老信香鱗甲保全千
仞壁朱門敢議作雕梁

燕來有感

不住呢喃若勸歸相親一似舊鳥衣想尋王謝來
昆海。怎奈堂低不稱飛。

題高且園畫鹿逐仙姑

鹿逐天仙不食蒿仙姑原自絕塵囂與遊誰識回
頭意描寫傳神只有高

關嶺

四海千秋尊乃翁將軍父子盡英雄兩間日月懸

忠義一體天南俎豆同。

江邊夜泊懷先人亡弟不禁涕零

船泊當年夜月寒弟兄父子共艱難孤兒依舊來
停棹涕淚何嘗一夜乾

二

淚灑西風雪滿天平生心事付啼猿五更啼罷腸
應斷一夜聲聲到枕邊

桃源

漁父何須問此中衣冠輿馬往來通聲靈川嶽都
輸貢敢與秦人頽槩同

二
秦始車書亦大同。桃源今古在寰中。老翁笑指城西渡。還說當時未許通。

三
洞口桃花笑舊春。桑麻何處問秦人。新更郡縣多疎濶。幾許乾坤化外民。

大江風雪舟泊口占
急雪颼風刺骨寒。淒涼天地共艱難。晦明一片無昏晝。萬里危檣獨自看。

二

風雨無端一夜天如蓬飄泊更三年滇中自古輕
寒雪只道征夫正好眠

祭風臺

有莘出處子房才。豈比尋常委草萊。三國君臣無
寸土。千秋猶說祭風臺。

過武勝關

颼颼西風雪滿山。蕭然一劍度寒關。金臺自古招
賢地。試看於今忙與閒。

鳳凰墩

荒丘亦毀鳳凰名。五色何嘗聽一聲。北極只今稱

至治飛鳴疑向古燕京

二

鳳凰墩上滿蒿萊○千載悠悠去未回○靈鳥相傳鳴
盛世○何年再見羽儀來

李存孝打虎處

存孝當年搏虎威○至今石勒有餘輝○千秋百歲山
中老○誰表英雄一布衣

許州

許田舊事已成塵○丞相當時無一人○精白乃心忠
漢室○只今廟祀此方新

鄭州

猛寬善政有無存故里荒涼何處村父老爲言今
古事邠鄜太息說公孫

二

鄭相功名高萬古從來直道在斯民如何遺愛碑
如許偏少當年一惠人

比干廟墓

披鱗痛哭憂民社豈忍沽名亘古今死後商辛能
改過千秋含笑剖吾心

晉侍中嵇紹墓

清言不比晉風流。血灑長虹天地收。江左繁華銷
折盡。何如千古侍中丘。

子貢故里

撐住乾坤惟聖賢。三才不朽並為傳。何須故里標
端木處。處處春秋俎豆禋。

曹操墓

當時七十二疑墳。一片荒涼向夕曛。指點東西曹
操墓。絕無人說漢將軍。

廉頗墓

趙家西鄙偏強秦。全賴將軍在石門。矍鑠虜鞍無

老意只今長夜不醒人

程嬰公孫杵臼

富貴交情不易真。立孤死義總成仁。千秋萬古王
侯客。幾輩程嬰杵臼人。

○黃梁夢

誰人不在夢中忙。盡道人間是夢鄉。知道夢中還
作夢。更無一個醒黃梁。

○二

盧生何幸夢通神。名遂功成百歲身。人世果能如
此。莫何須偏作獨醒人。

三

誰○道○人○間○盡○夢○鄉○聖○賢○勲○業○等○黃○梁○千○秋○汗○史○同○
天○地○豈○似○區○區○一○杭○長○

四

一○夢○黃○梁○萬○念○灰○相○傳○出○世○去○無○回○世○人○都○就○盧○
生○杭○誰○做○君○臣○父○子○來○

楊椒山祠

朝○昏○車○馬○未○曾○聞○姓○氏○誰○留○天○地○間○城○郭○人○家○十○
萬○戶○忠○祠○千○古○一○椒○山○

二

椒山千古未云亡。兩疏孤忠日月光。多少乘軒在
左者。幾人有暇拜祠堂。

望諸君故里

臨風緬想望諸君。仲父齊名才不羣。田里歸燕人
去趙。肯教讒口殺將軍。

燕京

山川歷盡玉京來。市駿千金郭隗才。雨雪長安都
閉戶。不知何處是金臺。

慶都道上卽事

王道平平自不奇。連朝陰雨苦披離。泥深馬腹車

都覆天意還須人力支

壁上美人

梅花如雪柳青青。宜喜宜嗔倚翠屏。今夜喚卿卿。可下月明。續取牡丹亭。

應某太守聘復至蒼山

蒼山三至袖清風。霜覆頭顱肯爲窮。太守十番勞使者。慇懃老病起山翁。

題王太守美堯祠堂

爲政風流清且明。鬚眉宛在想生平。只今洱海三秋月。轉見當年太守情。

地藏寺看桂花

秋滿雲林花滿牀。垂垂兩樹覆禪堂。如何不向蟾宮發。却在支公院裏香。

題畫上美人

丰姿瀟灑絕凡塵。疑是仙家洛浦神。我愛卿卿卿。惜我月明呼出畫中人。

別南詔諸同人

四至蒼山最有緣。春風一別淚潛然。老夫今已過中壽。再得重來不老年。

每向雄談驚四筵。欲沽一斗叙離緣。文章老去無人售。那得看花買酒錢。

三

當年節使最情真。還憶虛懷舊主人。謂諾多。少風流賢子弟。至今稱頌禮嘉賓。

四

舊時太守美堯王。戶祝千秋姓氏香。敬禮布衣如杜甫。只今遺愛滿甘棠。

五

終老斯文未送窮。琴書空自嘆飄蓬。從今不嚙山

頭雪已滿青衫兩袖風

六

才子從來數太奇。不才如我亦堪悲。那能朱戶低
顏色最愛蕉窗日遲。

七

跋扈風塵自不羈。驚人一出語偏奇。長途寂寞須
能破。正是桃紅李白時。

八

不須風雨想關山。寤寐精誠自在還。一榜但能都
及第。老夫應爲破愁顏。

立冬後聞雷

冬後驚雷震遠空。臥龍豈欲起天公。不然春夏秋
都過。霹靂何來霜雪中。

讀淮陰傳有感

西漢人傑有淮陰。高祖憑之帝業建。假使淮陰不
遇時。那得千金酬一飯。

閉關

非是先生好閉關。閉關心上自閒閒。梅花開遍春
風裏。好鳥飛鳴自在還。

重九

重陽空對菊花新。剝啄全無送酒人。花放異鄉仍舊笑。人非故國那相親。

二

黃花對酌莫停盃。笑索風流作賦才。一歲一回重九日。未知此後幾多回。

制帥幕內病中夜雨

風雨蕭蕭夜半聲。病夫枕上自分明。落到五更聽到曉。夢魂飛不出愁城。

春思

又見天涯桃李新。故園歸去夢魂頻。花間姊妹爭

迎笑。笑說當年舊主人。

二

主人一睡便歸家。風景依稀似不差。三十年來多
歲月。半歸鄉國半天涯。

三

夢裏歸家豈當歸。那堪夢裏淚沾衣。如何門第多
更改。舊日園亭盡覺非。

四

六朝門第舊人家。百劫干戈未有差。倘得一歸歸
便得。五湖依舊話桑麻。

五

百年○一○旦○得○歸○來○白○首○青○春○興○不○灰○當○日○花○開○千
百○樹○昏○花○老○眼○亦○須○開○

六

三○十○年○來○事○事○非○如○何○五○畝○獨○堪○歸○縱○使○就○荒○成
白○地○鬚○眉○甘○老○故○山○薇○

七

風○氣○今○朝○天○下○同○豈○偏○仁○厚○在○江○東○本○支○子○弟○還
多○輩○應○念○歸○來○一○老○翁○

八

從來勢利起親親。豈獨吾家誼最真。縱使人人都
白眼。定收吾骨傍先人。

清明

生前實落酒千巡。莫痛無兒厭入唇。縱使子孫
萬盞。有何益處九泉人。

二

子孫幾輩哭傷悲。借問先人知未知。倘使不知空
淚落。知時傷痛更淒其。

三

幾見長生不死身。虛花身後總非真。無災無患豈

衣○食○便○是○人○間○天○上○人

四

此○輩○神○仙○世○亦○多○勞○形○焦○慮○苦○中○過○子○孫○百○代○無○
涯○計○有○限○光○陰○自○批○磨

五

生○平○得○意○兩○樁○奇○萬○斛○醇○醪○千○首○詩○免○得○後○人○澆○
土○塊○詩○傳○百○世○好○賢○兒

六

人○非○太○上○那○忘○情○時○運○偏○逢○夜○不○明○酌○酒○不○開○詩○
笈○鎖○乾○坤○何○業○落○愁○生



偶然草詩集自跋

客又有問於余者曰今之詩推何人曰作者如林
各臻其妙予寡聞淺識不知也何敢甲乙之曰予
善詩詩且成帙胡云不知曰余惟不知詩故有詩
惟不知人詩故有余詩詩各寫其思而已何必知
詩何必知人之詩若必知詩若必知人之詩而後
作詩則詩非余詩矣何以詩爲客笑曰有是哉子
之欺也不知詩不知人之詩何以有詩之所謂
不知者深乎詩深乎古今人之詩而能不拘乎詩
遺棄乎古今人一切之詩而自成其爲詩者也子

何欺我之甚也余揖而退退而不復有言



晉寧縣人民政府移
交方氏學山樓藏書



















